

*Manual de calidade*  
*Escola Superior de Enxeñería*  
*Informática*

Índice 04

---

<i>Redacción</i>	<i>Validación</i>	<i>Aprobación</i>
Área de Apoio á Docencia e Calidade	Comisión de Calidade	Xunta de Centro
<i>Data e sinatura</i>	<i>Data e sinatura</i>	<i>Data e sinatura</i>

---

*Histórico de evolucións*

<i>Índice</i>	<i>Data</i>	<i>Redacción</i>	<i>Motivo das principais modificacións</i>
Borrador 00	20/12/2007	Área de Calidade	Edición inicial (creación do documento). Información contida no <i>Manual de calidade</i> como documentación marco.
01-03	2008-2012	Comisións de garantía de calidade dos centros	<i>(Intervalo de modificacións realizadas polo centro baseándose fundamentalmente nas recomendacións establecidas nos informes de avaliación dos sistemas de garantía de calidade, remitidos dende a ACSUG)</i>
			Evolución completa do <i>Manual de calidade</i> .
			Nova codificación, nova trama de redacción e estrutura. Simplificación de contidos.
04	03/11/2014	Área de Apoio á Docencia e Calidade	Capítulos afectados: todos. Consideración dos informes finais de auditoría de certificación da implantación do Sistema de Garantía de Calidade da Facultade de Bioloxía e da Escola de Enxeñaría de Telecomunicación, no relativo ás funcións da Comisión de Calidade.

## Índice

1. Presentación: a calidade na Universidade de Vigo .....	5
1.1. Plans nacionais de avaliación.....	5
1.2. Implantación do Espazo Europeo de Educación Superior e programa Fides-Audit .....	5
1.3. Sistema de calidade no ámbito de xestión .....	5
2. Introducción.....	6
3. Presentación do centro .....	7
4. Elementos estratéxicos .....	9
4.1. Misión e visión da Universidade de Vigo .....	9
4.2. Política e obxectivos de calidade do centro.....	9
4.2.1.Cuestións xerais .....	9
5. Estrutura organizativa e de responsabilidades .....	11
5.1. Estrutura transversal.....	11
5.1.1. Vicerreitoría con competencias en calidade .....	11
5.1.2. Xerencia.....	11
5.1.3. Área de Apoio á Docencia e Calidade.....	11
5.1.4. Comité de Calidade .....	11
5.1.5. Unidade de Estudos e Programas.....	11
5.2. Estrutura de calidade no centro .....	11
5.2.1. Decanato ou dirección.....	11
5.2.2. Coordinación de calidade .....	12
5.2.3. Administración do centro.....	12
5.2.4. Departamentos.....	12
5.2.5. Xunta de Centro.....	12
5.2.6. Responsable e/ou coordinador/a da titulación.....	13
5.2.7. Comisión de Calidade .....	13
5.3. Estrutura funcional de calidade do centro .....	15
6. Sistema de garantía interna de calidade.....	16
6.1. Alcance.....	16
6.2. Directrices .....	16
6.3. Outras referencias .....	18
6.3.1. Referencias legislativas básicas .....	18
6.3.2. Referencias normativas básicas .....	18

6.3.3. Referencias complementarias .....	19
6.4. Documentación.....	20
6.4.1. Manual de calidade .....	21
6.4.2. Política de calidade.....	21
6.4.3. Anexos .....	21
6.4.4. Procedementos de calidade .....	21
6.4.5. Outros documentos.....	22
6.4.6. Rexistros .....	22
6.5. Mapa de procesos.....	23
6.5.1. Mapa do proceso de docencia .....	24

### *Anexos*

- Anexo 01. Listaxe de procedementos en vigor
- Anexo 02. Listaxe de distribución da documentación de calidade
- Anexo 03. Glosario
- Anexo 04. Políticas e obxectivos de calidade do centro
- Anexo 05. Titulacións oficiais do centro

---

## 1. *Presentación: a calidade na Universidade de Vigo*

No ámbito da calidade a Universidade de Vigo desenvolveu numerosas accións e participou en distintos plans e programas.

---

### 1.1. *Plans nacionais de avaliación*

A Universidade de Vigo participou no:

- Plan nacional de Avaliación da Calidade das Universidades (PNECU), publicado no Real decreto 1947/1995, do 1 de decembro, e promovido polo Consello de Universidades.
- II Plan de calidade das universidades, desde 2001.
- Plan de avaliación institucional (PEI) da Axencia Nacional de Avaliación da Calidade e Acreditación (ANECA), a partir de 2003.

Todos os títulos vixentes naquel momento culminaron os procesos ligados aos Plans de Avaliación.

---

### 1.2. *Implantación do espazo europeo de educación superior e programa Fides-Audit*

Un dos obxectivos que se estableceron na Declaración de Boloña (1999) era a promoción da cooperación europea en materia de aseguranza da calidade con miras ao desenvolvemento de criterios e metodoloxías comparables.

En 2005, publicáronse os *Criterios e directrices para a garantía de calidade no Espazo Europeo de Educación Superior*, desenvolvidos por ENQA (European Association for Quality Assurance in Higher Education, <http://www.enqa.eu/>), que constitúen a referencia dos programas de calidade desenvolvidos posteriormente no ámbito da educación superior.

A implantación do Espazo Europeo de Educación Superior (EEES) e o seu desenvolvemento legislativo en España (LOM-LOU 2007, RD 1393/2007 modificado polo RD 1861/2011...) contribuíron a que a xestión da calidade se desenvolva e adquira un papel relevante no marco universitario.

Neste contexto desenvólvese o programa Fides-Audit, elaborado por ACSUG, ANECA e AQU Catalunya, e referente deste manual de calidade.

A Universidade de Vigo participa na primeira convocatoria do programa Fides-Audit con once centros. No ano 2012, todos os centros (propios e adscritos) teñen certificado o deseño dos seus sistemas de garantía de calidade do programa Fides-Audit.

Nos anos 2013 e 2014, lévase a cabo unha mellora dos sistemas de garantía interna de calidade dos centros, con criterios de simplificación operativa, eficacia e sustentabilidade, o que dá lugar ao presente Manual de Calidade. Iníciase, tamén, o proceso de coordinación e integración con outros sistemas de xestión de calidade (ámbito de xestión...). Neste mesmo período de tempo, obtivéronse os primeiros certificados de implantación do sistema de calidade dos centros da Universidade de Vigo.

---

### 1.3. *Sistema de calidade no ámbito de xestión*

En 2008 ponse en funcionamento, no marco do Plan operativo de Xestión da Universidade de Vigo, o Plan Avante de calidade no ámbito de xestión.

---

## 2. *Introdución*

Os Estatutos da Universidade de Vigo establecen no seu artigo 2 como un dos fins prioritarios da institución: «*A consecución das máximas cotas de calidade en docencia e investigación*» e, no seu artigo 13, que é función de cada centro: «*A participación nos procesos de avaliación da calidade e a promoción activa da mellora da calidade da súa oferta académica*». O **Manual de calidade** especifica o alcance desta función, o marco de funcionamento e a estrutura organizativa e de responsabilidades de cada centro da Universidade de Vigo para a xestión da calidade. Desenvólvese para dar resposta á lexislación e normativas internas e externas aplicables e co fin de garantir a calidade da oferta académica do centro, satisfacendo os requisitos, necesidades e expectativas dos seus grupos de interese.

O documento «*Directrices, definición e documentación dos sistemas de garantía interna de calidade da formación universitaria*», do programa Fides-Audit, define *Garantía de Calidade* como «*todas as actividades encamiñadas a asegurar a calidade interna e externa*». Ten en conta as accións dirixidas a asegurar a calidade dos ensinos desenvolvidas polos centros, así como a xerar e manter a confianza do estudantado, profesorado e sociedade:

<http://www.acsug.es/gl/centros/fidesaudit/dise%C3%B1os>

A calidade recóllese tamén no *Plan operativo de xestión da Universidade de Vigo* como un valor ou principio que guía todas as accións da institución, formando parte do conxunto de valores que serven de marco inspirador e regulador da súa actividade:

[http://www.uvigo.es/uvigo\\_es/organizacion/informacion/plans/](http://www.uvigo.es/uvigo_es/organizacion/informacion/plans/)

Pode consultarse a terminoloxía en materia de calidade que se tivo en conta na configuración do *Manual de calidade* no seu anexo 3.

---

### 3. *Presentación do centro*

---

#### *Datos de contacto*

*Escola Superior de Enxeñería Informática  
Campus Universitario de Ourense - Edificio Politécnico  
32004 - Ourense*

*Teléfono: +34 988 38 70 00  
Fax: +34 988 38 70 01  
e-mail: [sdireccion.esei\(at\)uvigo.es](mailto:sdireccion.esei@uvigo.es)*

---

#### *Web del centro*

[www.esei.uvigo.es](http://www.esei.uvigo.es)

---

#### *Outros datos de interese*

*No momento da redacción deste Manual, o equipo Directivo do Centro estaba formado por:*

- *Directora: Ana Garriga Domínguez, Profesora Titular de Universidade de Filosofía do Dereito do Departamento de Dereito Privado.*
- *Subdirectora de Organización Académica: María José Lado Touriño, Profesora Titular de Universidade do Departamento de Informática.*
- *Subdirector de Sistemas: Francisco Javier Rodríguez Martínez, Profesor Contratado Doutor do Departamento de Informática.*
- *Subdirectora de Calidade: Eva Lorenzo Iglesias, Profesora Contratada Doutora do Departamento de Informática.*
- *Secretario do Centro: Arturo José Méndez Penín, Profesor Titular de Universidad do Departamento de Informática.*

#### *Breve percorrido histórico do centro*

No ano 1991 créase a Escola Universitaria de Enxeñería Técnica en Informática de Xestión (R.D. 274/91 de 30/07/1991, DOGA de 13/08/1991) da Universidade de Vigo no Campus de Ourense xunto coa titulación de Enxeñería Técnica en Informática de Xestión (R.R. de 14/08/1991, BOE de 22/04/1992), co fin de dar resposta ás xa evidentes necesidades de titulados en Informática que demandaba a sociedade galega. No ano 1999, trala concesión a este Centro do segundo ciclo da titulación de Enxeñería en Informática (R.R. de 10/06/1999, BOE de 29/06/1999), cambia o seu nome polo de Escola Superior de Enxeñería Informática.

A Escola Superior de Enxeñería Informática de Ourense ten, por tanto, una experiencia de 17 anos na formación de Enxeñeiros/as en Informática. No curso 1993/1994 tituláronse os primeiros alumnos da titulación de Enxeñería Técnica en Informática de Xestión deste Centro, e desde entón incorporáronse ao mercado laboral máis de 1300 egresados desta titulación. A partir do curso 1999/2000 a oferta do Centro ampliouse co segundo ciclo da titulación de Enxeñería Informática, na que se titularon máis de 400 alumnos. Ademais, durante os cursos 2008/2009 a 2011/2012, ambos inclusive, a Escola impartiu un Máster Universitario en Consultoría de Software Libre, e de 2009/2010 a 2012/2013 un Máster de Investigación vinculado ao programa de doutorado do mesmo nome e adaptado ao EEES.

A oferta formativa actual do Centro é a seguinte:

- Grao en Enxeñería Informática (curso de implantación: 2009/2010)
- Programa de Estudos Conxuntos (Simultaneidade) do Grao en Enxeñería Informática e do Grao en Administración e Dirección de Empresas (curso de implantación: 2013/2014)
- Máster en Enxeñería Informática: titulación vinculada ao exercicio da profesión de Enxeñeiro en Informática, de 90 ECTS e un curso e medio adaptada ao Espazo Europeo de Educación Superior. Perfil profesional (curso de implantación: 2012/2013)

O deseño e implantación do SGIC no Centro seguiu ata o momento a seguinte evolución:

## CURSO 2009/2010

- (10/03/2010) Aprobación en Xunta de Centro
- (26/04/2010) Informe positivo ACSUG
- Comezo de recollida de evidencias
  - PM01 Medición, análise e mellora (enquisas de satisfacción)
- Implantación de procedementos
  - PC02 Revisión e mellora das titulacións (PAM)
  - PC03 Definición de perfís e captación de estudantes (Perfil de ingreso e egreso)
  - PC04 Selección-admisión e matriculación de estudantes
  - PC05 Orientación ao estudante (PAT)
  - PC06 Planificación e desenvolvemento da ensinanza (guías docentes, coordinación)
  - PC07 Avaliación das aprendizaxes (revisión e aprobación de guías docentes, calendario de probas de avaliación)
  - PE03 Deseño da oferta formativa

## CURSO 2010/2011

- Implantación de procedementos
  - PM01 Medición, análise e mellora (informe de resultados, scto Obxectivos)
  - PC01 Garantía de Calidade dos programas formativos (adaptación CGC, Plan de Traballo)
  - PC08 Xestión e revisión da mobilidade dos estudantes enviados
  - PC09 Xestión e revisión da mobilidade dos estudantes recibidos
  - PC13 Información pública
  - PA01 Xestión dos documentos e evidencias
  - PA04 Xestión e revisión de incidencias, reclamacións e suxestións
- (05/2011) Reemplazo Anexo 4.1 Política e obxectivos de Calidade no Capítulo 4 por IT01-PE01 Definición e revisión da política e obxectivos de calidade
- (07/2011) Modificación PA04 Xestión e Revisión de Incidencias, Reclamacións e Suxestións

## CURSO 2011/2012

- Implantación de procedementos
  - PC03 Definición de perfís e captación de estudantes (Plan de promoción e captación)
  - PC07 Avaliación das aprendizaxes (disponibilidade de resultados e datas de revisión)
  - PA07 Xestión dos recursos materiais
  - PE01 Definición e revisión da política e obxectivos de calidade

## CURSO 2012/2013

- Implantación de procedementos
  - PC10 Xestión e revisión das prácticas externas integradas no Plan de Estudos
  - PC11 Xestión da inserción laboral (análise da inserción laboral)
  - PA03 Satisfacción dos grupos de interese (queixas e suxestións)
  - PA06 Avaliación, recoñecemento e incentivos do PDI e PAS
- (02/2013) Incorporación IT06-PC07 Acta de revisión dos resultados de avaliación
- (05/2013) Simplificación e actualización de procedementos
  - DO 0201 P1 Deseño, verificación e autorización das titulacións
  - DO-0102 P1 Seguimento e mellora das titulacións
  - DO-0103 P1 Suspensión e extinción dunha titulación
  - DO-0201 P1 Planificación e desenvolvemento da ensinanza
  - DO-0202 P1 Promoción das titulacións
  - DO-0203 P1 Orientación ao estudantado
  - DO-0204 P1 Xestión das prácticas académicas externas
  - DO-0205 P1 Xestión da mobilidade
  - DO-0301 P1 Información pública e rendición de contas
  - XD-01 P1 Control dos documentos
  - XD-02 P1 Control dos rexistros



---

## 4. Elementos estratéxicos

---

### 4.1. Misión e visión da Universidade de Vigo

#### Misión

A Universidade de Vigo é unha institución pública, autónoma, aberta ao contorno e con vocación internacional, comprometida coa igualdade e co progreso económico e o benestar social de Galicia, mediante unha ensinanza e unha investigación de calidade coas que contribuír á creación e á transferencia do coñecemento, á formación integral das persoas, ao desenvolvemento científico e tecnolóxico, á innovación e ao crecemento intelectual da sociedade pluricultural e plurilingüe na que se insire.

#### Visión

A Universidade de Vigo aspira a ser un referente innovador dentro do sistema universitario na docencia, a investigación básica e aplicada, a xestión e a transferencia da ciencia e o coñecemento, a internacionalización das súas actividades, en especial en Latinoamérica e nos países lusófonos, e a integración harmónica coa contorna. É, ademais, un instrumento socialmente vertebrador e catalizador do debate intelectual e das novas ideas.

A Universidade de Vigo, unha universidade pública, galega e de calidade, quere consolidarse como unha institución igualitaria, plural e participativa, comprometida coa cooperación institucional, a solidariedade e a preservación do medio natural, recoñecida e valorada pola formación integral do seu estudiantado, tanto no campo profesional como persoal, pola calidade dos servizos ofrecidos, pola eficiencia, eficacia e transparencia da súa xestión e polo seu prestixio académico.

---

### 4.2. Política e obxectivos de calidade do centro

#### 4.2.1. Cuestións xerais

O compromiso do centro coa calidade e coa mellora continua concrétese nunha política de calidade, que marca unha estratexia propia determinada por uns obxectivos xerais de calidade e unhas consecuentes liñas de acción. Este compromiso do centro débese reflectir na aplicación efectiva desta política, no desenvolvemento dos distintos sistemas e procesos vinculados, nos procedementos que se establecen e, en definitiva, na súa incidencia nas actividades desempeñadas polo seu persoal. Neste contexto, a responsabilidade sobre a calidade e a mellora continua esténdese a todas as persoas vinculadas coa actividade do centro: profesorado, persoal de administración e servizos, estudiantado..., formando parte das súas tarefas, o propósito e a aplicación da política de calidade acordada:

- Os órganos de dirección, comprobando e garantindo o cumprimento das esixencias nas súas áreas de responsabilidade.
- Todo o persoal, tanto docente e investigador como de administración e servizos, coa súa participación na definición e aplicación nas súas tarefas da política de calidade establecidas e das accións concretas consecuentes.
- O estudiantado e o resto dos grupos de interese, proporcionando información útil e oportuna en relación coas súas actividades, participando tanto na definición das políticas internas de calidade como nos órganos con responsabilidade e funcións directas na xestión interna da calidade.
- Particularmente, os órganos responsables da xestión da calidade do centro son:

- A dirección ou decanato: difundindo, apoiando e revisando a política de calidade, así como garantindo a transparencia e o rendemento de contas no marco da actividade desenvolvida no centro.
- A Comisión de Calidade: supervisando e promovendo os diferentes sistemas e procesos vinculados á calidade (SGIC, seguimento das titulacións, procesos de avaliación...), a análise de resultados e indicadores e os plans de mellora consecuentes.
- A coordinación de calidade: dinamizando a súa aplicación e servindo de enlace entre o centro e outras instancias con responsabilidade na calidade.

O coñecemento da política de calidade polos implicados/as en cada centro garántese pola súa **comunicación** e difusión a través de:

- A súa **formalización e inclusión no manual de calidade do centro ( Anexo 4)**;
- A súa publicación na páxina web do centro (e, de ser o caso, das súas titulacións);
- A súa difusión e promoción mediante outros medios adecuados;
- A información aos órganos de representación e, en xeral, facéndoa comprensible ás distintas partes interesadas, de forma que poida ser asumida no ámbito do centro.

A **implantación** da política de calidade garántese a través de:

- A súa comunicación.
- O seu despregamento e control, a través de:
  - Os procedementos e as accións de calidade.
  - As actividades de formación, información e sensibilización.
- A súa revisión periódica, co obxecto de garantir a súa continua adecuación e vixencia.

---

## 5. *Estrutura organizativa e de responsabilidades*

No desenvolvemento do Sistema de Garantía Interna de Calidade, tanto no ámbito estratéxico como operativo, participan diversas persoas da organización baixo os principios de interdependencia, coordinación e participación.

En coherencia coa política de calidade, o desenvolvemento do sistema establécese a través dunha estrutura organizativa necesaria na que se concretan responsabilidades e se descentraliza a toma de decisións coa finalidade de dar resposta ás necesidades particulares, sempre dende a óptica da organización no seu conxunto.

---

### 5.1. *Estrutura transversal*

#### 5.1.1. *Vicerreitoría con competencias en calidade*

É a responsable da organización, avaliación e seguimento dos procesos de calidade da Universidade de Vigo, entre eles os referidos á actividade docente e ao rendemento académico do estudantado.

#### 5.1.2. *Xerencia*

A Xerencia é o órgano responsable do ditado de instrucións e ordes de servizo tendentes á eficacia da xestión administrativa e á coordinación das distintas unidades de administración universitaria. Ademais, é o órgano responsable do desenvolvemento do sistema de calidade no ámbito de xestión da universidade e é quen exerce a presidencia do Comité de Calidade (artigo 74 dos Estatutos da Universidade de Vigo).

#### 5.1.3. *Área de Apoio á Docencia e Calidade*

Esta área xestiona as actividades ligadas aos programas de calidade no ámbito da Universidade de Vigo. Pon en funcionamento os distintos programas ligados á mellora da calidade en centros, titulacións e profesorado. Ofrece apoio, asesoramento e coordinación en diferentes actividades en materia de calidade na institución.

#### 5.1.4. *Comité de Calidade*

O Comité de Calidade é o órgano colexiado de apoio técnico, coordinación, seguimento e asesoramento en todas as accións que, en materia de calidade no ámbito de xestión e no marco do plan operativo, se desenvolvan na Universidade de Vigo.

Os seus membros son elementos claves no desenvolvemento do plan de calidade no ámbito de xestión da Universidade de Vigo (Plan Avante de calidade no ámbito de xestión da Universidade de Vigo e Plan operativo de xestión da Universidade de Vigo).

#### 5.1.5. *Unidade de Estudos e Programas*

A Unidade de Estudos e Programas é a encargada de servir de apoio técnico e administrativo ás tarefas que a Xerencia debe desenvolver directamente no sistema de xestión da calidade no ámbito de xestión (Plan Avante de calidade no ámbito de xestión da Universidade de Vigo).

---

### 5.2. *Estrutura de calidade no centro*

#### 5.2.1. *Decano/a ou director/a*

O decano/a ou director/a do centro, asistido polo seu equipo de goberno, é responsable da dirección e xestión do centro (artigo 65 dos Estatutos da Universidade de Vigo).

É quen representa o centro; neste sentido, é o máximo responsable do centro en materia de calidade. Preside a Comisión de Calidade do centro, é o garante da difusión da cultura de calidade nel, e proponse a política e os obxectivos de calidade á Comisión de Calidade.

### 5.2.2. *Coordinador/a de calidade*

O seu nomeamento correspóndelle ao decano/a ou director/a, co obxecto de impulsar a implantación, mantemento e mellora dos distintos programas ligados á calidade no centro e ás súas titulacións adscritas, así como axudar á difusión da cultura de calidade.

As súas funcións son:

- Dinamizar a política de calidade do centro.
- Informar o equipo directivo ou decanal sobre o desempeño do SGIC e de calquera necesidade de mellora.
- Promover a comunicación entre os distintos grupos de interese e o equipo directivo ou decanal en materia de calidade.
- Liderar a implantación, desenvolvemento e seguimento do SGIC.
- Coordinar a planificación e o desenvolvemento dos programas vinculados á calidade no centro.
- Promover o coñecemento polas persoas implicadas das súas responsabilidades en materia de calidade cara aos distintos grupos de interese.

### 5.2.3. *Administrador/a de centro*

A persoa administradora do centro actuará como delegado/a da Xerencia. Entre outras, as súas funcións son:

- Colaborar co desenvolvemento e seguimento do SGIC no ámbito de xestión.
- Cooperar cos obxectivos da calidade no ámbito da xestión.

### 5.2.4. *Departamentos*

Os departamentos son as unidades encargadas de coordinar os ensinos universitarios, de acordo coa programación docente da Universidade de Vigo. Entre outras, as súas funcións son:

- Desenvolver os estudos universitarios oficiais, de acordo coa programación e suxestións que se realicen no centro ou centros.
- Participar nos procesos de avaliación da calidade institucional e a promoción activa do avance da calidade das súas actividades docentes.
- Colaborar co desenvolvemento e seguimento do SGIC no ámbito da docencia.
- Cooperar cos obxectivos de calidade da docencia.

### 5.2.5. *Xunta de Centro*

A Xunta de Centro é o órgano colexiado de representación e de decisión do centro. Entre outras, as súas funcións son:

- Aprobado a política e dos obxectivos de calidade.

- Autorizar o manual de calidade do centro.
- Ratificar os resultados do SGIC.

### 5.2.6. *Responsable ou coordinador/a da titulación*

No marco das súas responsabilidades no desenvolvemento da titulación, en materia de calidade a persoa coordinadora asume as seguintes funcións:

- Velar polo cumprimento dos requisitos da lexislación e normativa vixente en relación coas titulacións, en particular o RD 1393/2007, do 29 de outubro, polo que se establece a ordenación das ensinanzas universitarias oficiais e o RD 861/2010, do 2 de xullo, polo que se modifica o RD 1393/2007, máis concretamente nos aspectos ligados ás esixencias da memoria para a solicitude de verificación, entre as que se inclúen as do sistema de garantía de calidade, e ao seguimento e renovación da acreditación das titulacións.
- Colaborar coa dirección do centro e, en particular, coa persoa coordinadora de calidade, no desenvolvemento, implantación, seguimento e mellora dos procesos de calidade na súa titulación.
- Cooperar cos departamentos nos asuntos que atinxan ao desenvolvemento da docencia.
- Aplicar mecanismos de avaliación, implantación e seguimento das melloras da titulación.

### 5.2.7. *Comisión de Calidade*

A Comisión de Calidade, tamén denominada Comisión de Garantía Interna de Calidade, do centro é un órgano colexiado.

As persoas que integran a Comisión de Calidade son elementos claves no desenvolvemento dos programas de calidade do centro. Ademais da súa participación activa nas funcións específicas da comisión, deben ser axentes dinamizadores da xestión de calidade no centro.

Terá representación dos distintos grupos de interese e dos implicados/as na actividade docente das titulacións do centro, e constitúese para:

- Debater e validar se procede a proposta da política e os obxectivos de calidade.
- Debater e validar se procede a proposta do manual de calidade e os procedementos do SGIC do centro.
- Realizar o seguimento dos distintos programas ligados á mellora da calidade no centro e titulacións adscritas, así como propoñer as melloras pertinentes.
- Colaborar coa implantación, desenvolvemento e seguimento do SGIC.
- Debater, propoñer e realizar o seguimento das accións de mellora de calidade, co fin de potenciar continuamente a calidade da docencia en todos os medios e procesos que nela inflúen, mediante unha colaboración constante cos departamentos e outros órganos colexiados que teñan responsabilidades neste ámbito.
- Participar activamente en todos os procesos académicos relativos á oferta formativa do centro (novas titulacións, modificación, suspensión ou extinción das existentes), elaborando un informe valorativo se o consideran oportuno ou é procedente de acordo coa normativa vixente.
- Intercambiar, debater e propoñer a participación do centro en plans institucionais, nacionais e internacionais en materia de calidade.

A composición da Comisión de Calidade deberá ter unha composición equilibrada entre mulleres e homes e estará integrada, polo menos, polos seguintes membros:

- Director/a ou decano/a do centro, que a preside.
- Coordinador/a de calidade.
- Coordinador/a ou persoa en quen delegue de cada unha das titulacións de grao do centro.
- Coordinador/a ou persoa en quen delegue de cada unha das titulacións de mestrado do centro.
- Enlace de igualdade
- Unha persoa representante do profesorado.
- Un/unha representante do estudantado.
- Un/unha representante do estudantado egresado.
- Administrador/a do centro ou persoa en quen delegue.
- Un/unha representante da sociedade.


O seu regulamento interno será elaborado e aprobado pola propia comisión.

Poderán participar nas reunións da Comisión de Calidade outras persoas, particularmente persoal técnico de calidade, responsables dos procesos (segundo o establecido en cada procedemento) ou representantes de titulacións concretas, cando o seu asesoramento ou participación se estimen oportunos e así se faga constar na convocatoria.

A Comisión de Calidade reúnese polo menos dúas veces ao ano para revisar os resultados.

### 5.3 Estrutura funcional de calidade do centro

#### ESTRUTURA FUNCIONAL EN MATERIA DE CALIDADE



## 6. Sistema de garantía interna de calidade

### 6.1. Alcance

O ámbito de aplicación do Sistema de Garantía Interna de Calidade abrangue todas as titulacións oficiais de grao e mestrado universitario adscritas ao centro.

### 6.2. Directrices

No seguinte cadro recóllese como o sistema de garantía interna de calidade do centro harmoniza as directrices nacionais e internacionais na materia de calidade dentro do ámbito universitario e responde ás esixencias expresadas nelas.

<i>ENQA (Criterios e directrices EEES)</i>		<i>Programa Fides-Audit</i>	<i>Programa Audit</i>	<i>Documento(s) asociado(s)</i>	
1 Política e procedementos para a garantía de calidade	1	Política e obxectivos de calidade	1.0 Como o centro define a súa política e obxectivos de calidade	- DE01 DE03 XD-01 XD-02 Manual de calidade Planificación e desenvolvemento estratéxico Revisión pola dirección Control dos documentos Control dos rexistros	
	2 Aprobación, control e revisión periódica dos programas e títulos	3	Obxectivos do plan de estudos	1.2 Como o centro orienta as súas ensinanzas ao estudantado	DO-0201 Planificación e desenvolvemento da ensinanza
		3	Política e procedementos de admisión		DO-0202 Promoción das titulacións
			4		Planificación das ensinanzas
DO-0203 Orientación ao estudantado					
	4	Planificación das ensinanzas	DO-0204 Xestión das prácticas académicas externas		
DO-0205 Xestión da mobilidade					
	5	Programas formativos	1.1 Como o centro garante a calidade dos seus programas	PC04 Selección-admisión e matriculación de estudantes	
				PA09 Xestión de expedientes e tramitación de títulos	



						DO-0101	Deseño, verificación e autorización das titulacións
						DO-0102	Seguimento e mellora das titulacións
						DO-0103	Suspensión e extinción dunha titulación
	8	Resultados para a mellora dos programas formativos	1.5	Como o centro analiza e ten en conta os resultados	DE02	Seguimento e medición	
					MC05	Satisfacción das usuarias e usuarios	
					MC02	Xestión de queixas, suxestións e parabéns	
3	Avaliación do estudantado	4	Planificación das ensinanzas	1.2	Como o centro orienta as súas ensinanzas ao estudantado	D0-0201	Planificación e desenvolvemento da ensinanza
		6	Desenvolvemento dos programas formativos e outras actuacións orientadas á aprendizaxe do estudantado				
4	Garantía de calidade do profesorado	7	Persoal académico e de administración e servizos	1.3	Como o centro garante e mellora a calidade do seu persoal académico	PA05	Captación, selección e formación do PDI e do PAS
						PA06	Avaliación, recoñecementos e incentivos do PDI e do PAS
5	Recursos de aprendizaxe e apoio ao estudantado	6	Desenvolvemento dos programas formativos e outras actuacións orientadas á aprendizaxe do estudantado	1.2	Como o centro orienta as súas ensinanzas ao estudantado	DO-0201	Planificación e desenvolvemento da ensinanza
						DO-0202	Promoción das titulacións
						DO-0203	Orientación ao estudantado
						DO-0204	Xestión das prácticas académicas externas
						DO-0205	Xestión da mobilidade

		8	Recursos materiais e servizos	1.4	Como o centro xestiona e mellora os seus recursos materiais e servizos	PA07 PA08	Xestión dos recursos materiais Xestión dos servizos
6	Sistemas de información	9	Resultados para a mellora dos programas formativos	1.5	Como o centro analiza e ten en conta os resultados	MC05 MC02 PC11 PC12 DE02	Satisfacción das usuarias e usuarios Xestión de queixas, suxestións e parabéns Análise da inserción laboral Análise e medición de resultados académicos Seguimento e medición
7	Información pública	10	Información pública e rendemento de contas	1.6	Como o centro publica a información sobre as titulacións	DO-0301	Información pública e rendemento de contas

A listaxe de procedementos vixentes está dispoñible no *Anexo 01. Listaxe de procedementos en vigor*.

### 6.3. Outras referencias

Ademais das directrices definidas anteriormente, a xestión de calidade na Universidade de Vigo, en xeral, e nos centros, en particular, desenvólvese tendo en conta varias consideracións e esixencias tanto no ámbito do seu deseño como no da súa posterior aplicación.

#### 6.3.1. Referencias lexislativas básicas

- Lei orgánica 4/2007, do 12 de abril, pola que se modifica a Lei orgánica 6/2001, do 21 de decembro, de universidades.
- RD 861/2010, do 2 de xullo, polo que se modifica o RD 1393/2007, do 29 de outubro, polo que se establece a ordenación das ensinanzas universitarias oficiais.
- Decreto 222/2011, do 2 de decembro, polo que se regulan as ensinanzas universitarias oficiais no ámbito da comunidade autónoma de Galicia.
- Estatutos da Universidade de Vigo.
- Lei orgánica 3/2007, para a igualdade efectiva de mulleres e homes


#### 6.3.2. Referencias normativas básicas

- Norma UNE-EN ISO 9000: sistemas de xestión da calidade. Fundamentos e vocabulario.
- Norma UNE-EN ISO 9001: sistemas de xestión da calidade. Requisitos.
- Norma UNE-EN ISO 9004: xestión para o éxito sostido dunha organización. Enfoque de xestión da calidade.
- Modelo EFQM de calidade e excelencia.

### 6.3.3. Referencias complementarias

- *Manual de linguaxe inclusiva no ámbito administrativo*. Unidade de Igualdade da Universidade de Vigo, 2012.
- Plan de igualdade da Universidade de Vigo.

A aplicación do ciclo PDCA (desenvolvido por E. Deming), que se representa en todos os procedementos do SGIC (*Plan-Do-Check-Act*), permite a orientación permanente ao cliente/a (e, en xeral, aos grupos de interese), en termos de necesidades, expectativas e satisfacción e, así mesmo, cara á mellora continua da eficacia dos procesos –estratéxicos, clave e soporte– que conforman a organización.




**P** *Planificar*: establecer os obxectivos e os procesos necesarios para conseguir resultados de acordo cos requisitos, necesidades e expectativas dos grupos de interese e as políticas da organización.

**D**

*Desenvolver* (facer): implantar os procesos.

- Ⓒ *Controlar* (verificar): realizar o seguimento e a medición dos procesos, dos produtos e dos servizos respecto ás políticas, aos obxectivos, e aos requisitos, necesidades e expectativas, e informar dos resultados.
- Ⓐ *Actuar* (aprender): tomar accións para mellorar continuamente o desempeño dos procesos. (Fonte: Norma UNE-EN ISO 9001)

Desde esta mesma óptica de mellora continua, a seguinte figura, publicada no documento «*Directrices, definición e documentación dos sistemas de garantía interna de calidade da formación universitaria*», elaborado pola ANECA, ACSUG e AQU Catalunya, representa o conxunto de aspectos que deberán considerar á hora de definir e documentar o sistema de calidade do centro.



#### 6.4. Documentación

A estrutura documental que se describe a continuación está deseñada para dar resposta ás esixencias mencionadas na epígrafe «V.II. Directrices» e «V.III. Outras referencias».

O Sistema de Garantía Interna de Calidade responde á seguinte estrutura documental: o *modo de xestión* da documentación (creación, modificación, aprobación, difusión, aplicación, retirada e arquivo) está descrito no procedemento «XD-01 P1 Control dos documentos». Toda modificación da documentación de calidade (*Manual*

*de calidade, procedementos...*) é comunicada segundo se describe no *Anexo 02. Listaxe de distribución da documentación de calidade*.

#### 6.4.1. *Manual de calidade*

É o documento principal do Sistema de Garantía de Calidade, no que se expón a política e os obxectivos de calidade, así como o seu alcance, estrutura organizativa e de responsabilidades. Describe os procesos de funcionamento e as súas interaccións, facendo referencia aos procedementos que os describen e inclúe a política e os obxectivos de calidade e documentos anexos.

##### *Modo de xestión do Manual de calidade*

- Redacción (creación e modificacións): a proposta de redacción do manual de calidade do centro recae na Área de Apoio á Docencia e Calidade. Esta proposta é completada pola coordinación de calidade (no marco do equipo directivo/decanal do centro), co obxecto de incluír os elementos específicos de cada centro.
- Validación: a Comisión de Calidade do centro valida cada evolución do manual mediante unha sinatura (manuscrita ou electronicamente) no documento orixinal.
- Aprobación: a Xunta de Centro aproba cada evolución do manual mediante unha sinatura (manuscrita ou electronicamente) no documento orixinal.
- Modificacións: toda actualización dos contidos do *Manual de calidade* xera unha evolución do seu índice. O índice de actualización incrementábase nunha unidade en cada evolución do documento, sendo o primeiro «00» e os seguintes «01», «02»...
- Difusión: a responsabilidade da súa difusión, interna e externa, recae na dirección o no decanato do centro.
- Arquivo: o arquivo do orixinal en papel das versións sucesivas do manual é asegurado pola coordinación de calidade do centro, sen límite no tempo. As evolucións anteriores do manual arquiváanse mediante unha marca ou selo coa descrición «Obsoleto».

#### 6.4.2. *Política de calidade*

Constitúe a formalización da estratexia do centro en materia de calidade. A xestión da documentación (creación, modificación, aprobación, difusión, aplicación, retirada e arquivo) está descrito no procedemento «DE-01 P1 Planificación e desenvolvemento estratéxico» e «XD-01 P1 Control dos documentos».

#### 6.4.3. *Anexos*

Os anexos identifícanse mediante un título e un código, que consiste nun número correlativo asociado ao manual. As súas actualizacións xestionáanse baseándose na súa data de aprobación, de maneira que poden evolucionar de forma independente ao Manual. A data de aprobación está incorporada ao código do propio anexo. O *modo de xestión* da documentación (creación, modificación, aprobación, difusión, aplicación, retirada e arquivo) está descrito no procedemento «XD-01 P1 Control dos documentos».

#### 6.4.4. *Procedementos de calidade*

Os procedementos describen a forma en que se levan a cabo as actividades dos procesos. Desenvolven e complementan o *Manual de calidade* e poden incluír documentos anexos. A xestión da documentación (creación, modificación, aprobación, difusión, aplicación, retirada e arquivo) está descrito no procedemento «XD-01 P1 Control dos documentos».

#### 6.4.5. *Outros documentos*

Documentos de apoio: en función das necesidades pode ser necesario ou aconsellable elaborar documentos de apoio (instrucións, guías, manuais...). A xestión da documentación (creación, modificación, aprobación, difusión, aplicación, retirada e arquivo) está descrito no procedemento «XD-01 P1 Control dos documentos».

#### 6.4.6. *Rexistros*


Determinados anexos, unha vez cubertos, convértense en rexistros de calidade. Os rexistros recollen datos obxectivos das actividades efectuadas e dos seus resultados. Proporcionan evidencias da conformidade cos requisitos do sistema de garantía de calidade e son proba do seu funcionamento e eficacia, é dicir, da calidade obtida. A xestión dos rexistros está descrito no procedemento «XD-02 P1 Control dos rexistros».

Adicionalmente, pode existir outra documentación de referencia, interna ou externa, en materia de calidade, como lexislación, normativa e outra documentación aplicable a cada un dos procesos.

### 6.5. Mapa de procesos

Universidade de Vigo

MAPA DE PROCESOS  
SGIC Centros (1eiro Nivel)



## 6.5.1. Mapa do proceso de docencia

# Universidade de Vigo

## MAPA DE PROCESOS SGIC CENTROS - 2º NIVEL

Proceso CLAVE

Proceso de 1º nivel relacionado: **DOCENCIA (DO)**

